

25.06.2025

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. Naatsorsuutit akuerineqarnikuni kingulliusoq naapertorlugu, "Visit Greenland A/S" ingerlatsiviilu ataaniittut katillugit qanoq annertutigisumik "Grønlands Erhverv"-imut aningaasartuuteqarnikuuppat?
2. Ukiut siulii naatsorsorsinnaasat tamakkerlugit katikkaanni, "Visit Greenland A/S" ingerlatsiviilu ataaniittut katillugit qanoq annertutigisumik "Grønlands Erhverv"-imut aningaasartuuteqarnikuuppat? Uani, naatsorsuuseriaaseq naapertorlugu, minnerpaamik ukiut 5 kingulliit katillugit akeqquneqarput.

(Inatsisartunut ilaasortaq Pele Broberg, Naleraq)

Tunngavilersuutit:

Suliffeqarfiutigit kiisami ammasumik isertuaatsumillu ingerlatsisinnaalerniassammata, ingerlatsivillu inuiaqatigiinnit tamakkiisumik pigineqartoq "Visit Greenland A/S" qanoq annertutigisumik namminersortut soqutigisaannik anguniagallit kattuffiannut "Grønlands Erhverv"-imut aningaasartuuteqartarnersoq paasisinnaalerniassagatsigu, apeqqutit ukua ingerlateqqinneqarput.

Apeqqutigineqartut ullut suliffiusut qulit (10) iluanni allakkatigit akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.



Inatsisartunut ilaasortaq, Pele Broberg, Naleraq
/Maani

§ 37 naapertorlugu apeqqummut nr. 2025-79-imut akissut

Inatsisartut Suleriaasianni § 37, imm. 1 naapertorlugu Sulisitsisunut akiliutaasartut pillugit ataani allassimasutut Naalakkersuisunut apeqquteqarputit.

Apeqqutigineqartut tullinnguuttuni akineqarput.

Apeqqut 1. Naatsorsuutit akuerineqarnikuni kingulliusoq naapertorlugu, "Visit Greenland A/S" ingerlatsiviilu ataaniittut katillugit qanoq annertutigisumik "Grønlands Erhverv"-imut aningaasartuuteqarnikuuppat?"

Akissut: § 37 naapertorlugu apeqqutigineqartut akiniarneranni tassunga atugassanik Visit Greenland A/S-mit akissutissanik pissarsiniartoqarpoq, imaattunillu akissuteqarluni:

"Ukiumi naatsorsuusiortifiusumi akuerineqartumi kingullermi Visit Greenland A/S Sulisitsisunut 32.136,00 DKK-nik akiliivoq. Akiliuteqarnermi ilaasortaanermut akiliut ilanngunneqarpoq. Visit Greenland A/S ingerlatseqatigiiffiutigisaaqanngilaq inatsisitigullu ataatsimoortumik ingerlatsilluni."

Apeqqut 2. Ukiut siulii naatsorsorsinnaasat tamakkerlugit katikkaanni, "Visit Greenland A/S" ingerlatsiviilu ataaniittut katillugit qanoq annertutigisumik "Grønlands Erhverv"-imut aningaasartuuteqarnikuuppat? Uani, naatsorsuuseriaaseq naapertorlugu, minnerpaamik ukiut 5 kingulliit katillugit akeqquneqarput.

Akissut: § 37 naapertorlugu apeqqutigineqartut akiniarneranni tassunga atugassanik Visit Greenland A/S-mit akissutissanik pissarsiniartoqarpoq, imaattunillu akissuteqarluni:

"Visit Greenland A/S ukiumit naatsorsuuteqarfiusumit 2020-miit 2024-mut Sulisitsisunut imatut akiliuteqarsimavoq. 2020: 32.248,00 DKK 2021: 28.495,00 DKK 2022: 31.624,00 DKK 2023: 29.764,00 DKK 2024: 32.136,00 DKK. Sulisitsisunut akiliutigisat katillugit 154.267,00 DKK"

Inussiarnersumik inuulluaqqusillunga

Jens Frederik Nielsen

04-07-2025
Suliap normua 2025 - 391
All. normua. 22954854

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
Mail: govsec@nanoq.gl
www.naalakkersuisut.gl